

Bugojno, 24.02.2011. godine

Broj: 129 /11

ZAPISNIK I ZAKLJUČCI
SA TRINAESTE SJEDNICE PREDSDJEDNIŠTVA SKUPŠTINE
SAVEZA OPĆINA I GRADOVA FEDERACIJE BIH

U Bugojnu je dana 24.02.2011. godine održana Trinaesta sjednica Predsjedništva Skupštine Saveza općina i gradova Federacije Bosne i Hercegovine (u daljem tekstu: Predsjedništvo Skupštine Saveza).

Sjednici Predsjedništva Skupštine Saveza prisustvovali su:

1. **g-din Husejin Smajlović**, načelnik Općine Zenica, predsjednik
2. **g-din Amer Čenanović**, načelnik Općine Ilidža
3. **g-din Hasan Ajkunić**, načelnik Općine Bugojno
4. **g-din Ermin Hajder**, načelnik Općine Bosanski Petrovac
5. **g-din Vlado Alilović**, načelnik Općine Vitez
6. **g-din Muhamed Ramović**, načelnik Općine Goražde
7. **g-din Miroslav Živanović**, zamjenik gradonačelnika, Grad Sarajevo
8. **g-din Luka Čelan**, načelnik Općine Livno
9. **g-din Miro Kraljević**, načelnik Općine Široki Brijeg

Pored gore navedenih, sjednici su prisustvovali i: g-din Ivo Jerkić, načelnik Općine Čitluk i predsjedavajući Skupštine Saveza, g-din Ibrahim Hadžibajrić, načelnik Općine Stari Grad Sarajevo, g-đa Vesna Travljanin, direktor Saveza, g-din Alija Kamber, pomoćnik načelnika za privredu u Općini Stari Grad Sarajevo, g-đa Suada Hadžić, pravobranilac Općine Stari Grad Sarajevo, g-đa Aida Laković Hošo, koordinator politika/zamjenik projekt menadžera, UNDP – ILDP projekat „Integriranog lokalnog razvoja“, g-đa Lejla Abdurahmanović, Sarajevska škola za nauku i tehnologiju – SSST, pravni savjetnik, g-din Anes Podić, Sarajevska škola za nauku i tehnologiju – SSST, direktor Instituta za informacione tehnologije i kompjuterski inženjering, g-đa Sanja Muhić, menadžer kupovine i prodaje, firma „Hella-Bekto Industries“, g-din Hendrik Kleinemeier i g-din Hero Goldhammer, predstavnici firme „Hella-Bekto Industries“, g-din Jasmin Porobić, rukovodilac Projekta za kontrolu malog oružja u okviru projekta „UNDP za sigurnije zajednice u BiH“, g-đica Sanja Mihajlović, projekat „UNDP za sigurnije zajednice u BiH“, g-đa Marta Valinas, pravni savjetnik za pitanja zakonodavne i pravosudne reforme, - OSCE „Prezentacija priručnika o razumijevanju krivičnih djela počinjenih iz mržnje“, g-đica Dženana Abdalajbegović, šef Stručne službe Općinskog vijeća i općinskog načelnika u Općini Bugojno, g-đa Zlata Turkić, viši saradnik za rad sa skupštinskim komisijama i institucijama vlasti, g-đa Dženita Kovačević, viši saradnik za finansijska pitanja i g-đa Selma Fišek, viši saradnik za pravna pitanja.

G-din Smajlović pozdravlja prisutne i otvara Trinaestu sjednicu Predsjedništva Skupštine Saveza, te predlaže Dnevni red kako slijedi:

1. Usvajanje Zapisnika i Zaključaka sa Dvanaeste sjednice Predsjedništva Skupštine Saveza

općina i gradova Federacije Bosne i Hercegovine

2. Aktivnosti Saveza na pripremi za održavanje Prvog sajma općina i gradova Jugoistočne Evrope „NEXPO 2011“
Izvjestilac: Vesna Travljanin
3. Izvještaj sa sjednica Komisije za ustavna i zakonodavna pitanja i Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša na inicijative:
 - a) Općina Stari Grad: Prijedlog izmjena i dopuna Zakona o preuzimanju, izmjenama i dopunama Zakona o zakupu poslovnih zgrada i prostorija Kantona Sarajevo
Izvjestilac: Ibrahim Hadžibajrić, načelnik Općine
 - b) Općina Ilidža: Prijedlog izmjena i dopuna Zakona o vodama FBiH
 - c) Općina Ilidža - Prijedlog izmjena i dopuna Zakona o zaštiti i spašavanju ljudi i materijalnih dobara od prirodnih i drugih nesreća
Izvjestilac: Amer Čenanović, načelnik Općine
 - d) Općina Bosanski Petrovac: izjašnjenje Saveza o problemu privatizacije „Agrokomerc“
Izvjestilac: Ermin Hajder, načelnik Općine
4. Informacije:
 - a) Prednacrt zakona o vinu
Izvjestilac: Zlata Turkić, viši saradnik za rad sa skupštinskim komisijama i institucijama vlasti
 - b) sa sastanka Projektnog odbora MTS-a, i aktivnosti na izboru regionalnih lokaliteta za izvođenje obuke za uposlenike i izabrane dužnosnike
Izvjestilac: Selma Fišek, viši saradnik za pravna pitanja
 - c) sa sastanka Projektnog odbora ILDP-a „Projekat integriranog lokalnog razvoja“
Izvjestilac: Marina Dimova
 - d) Aktivnosti Saveza zasnovane na osnovu potpisanog Memoranduma o saradnji Sarajevske škole za nauku i tehnologiju (organiziranje radionica o stanju upotrebe informacionih tehnologija i implementacije elektronske uprave u jedinicama lokalne samouprave FBiH)
Izvjestilac: Lejla Abdurahmanović, pravni savjetnik i Anes Podić, direktor Instituita za informacione tehnologije i kompjuterski inženjering
5. Prezentacije:
 - a) „UNDP za sigurnije zajednice u BiH“
Izvjestilac: Jasmin Porobić, Rukovodilac Projekta za kontrolu malog oružja
 - b) „Prezentacija Operativnog priručnika za rad policije u zajednici” – Nacionalni tim za implementaciju strategije za rad policije u zajednici sa Centrom za sigurnosne studije
 - c) OSCE „Prezentacija priručnika o razumijevanju krivičnih djela počinjenih iz mržnje“
Izvjestilac: Marta Valinas, pravni savjetnik za pitanja zakonodavne i pravosudne reforme
 - d) Projekat „LED sijalica“ - Bekto precisa, Goražde
Izvjestilac: Sanja Muhić
6. Tekuća pitanja

G-din Hajder ističe da Savez treba zauzeti stav po pitanju Zakona o šumama, te predlaže da se Dnevni red proširi sa tom tačkom.

G-đa Turkić navodi šta je do sada urađeno u vezi sa Zakonom o šumama. Napominje da se čeka formiranje vlasti, obzirom da je Prijedlog zakona o šumama koji je izradila Radna grupa Saveza usvojen od strane Predstavničkog doma Parlamenta Federacije Bosne i Hercegovine, te se čeka njegovo usvajanje na Domu naroda.

G-din Smajlović predlaže da se to pitanje uvrsti pod tekuća pitanja.

G-din Hajder obavještava Predsjedništvo Skupštine Saveza da je Kolegij načelnika Unsko-sanskog kantona razmatrao pitanje Zakona o zaštiti i dobrobiti životinja te je tom prilikom predloženo da Savez pokrene inicijativu za ispitivanje ustavnosti navedenog zakona.

G-din Smajlović predlaže da se i ovo pitanje uvrsti pod tekuća pitanja.

Usvaja se Dnevni red sa predloženim dopunama.

1. Usvajanje Zapisnika i Zaključaka sa Dvanaeste sjednice Predsjedništva Skupštine Saveza općina i gradova Federacije Bosne i Hercegovine

G-din Smajlović otvara diskusiju. Nakon konstatacije da nema prijavljenih za diskusiju, stavlja Zapisnik i zaključke na glasanje.

Zapisnik i zaključci su jednoglasno usvojeni.

2. Aktivnosti Saveza na pripremi za održavanje Prvog sajma općina i gradova Jugoistočne Evrope „NEXPO 2011“

G-đa Travljanin izvještava o aktivnostima koje je Savez poduzeo u sklopu priprema prvog Sajma općina i gradova Jugoistočne Evrope „NEXPO 2011“. Ističe da je učešće na sajmu potvrdio veliki broj predstavnika lokalnih vlasti iz Jugoistočne Evrope a i šire, te da će u okviru sajma biti održan i kulturni program.

Dalje, predlaže da se Predsjedništvo Skupštine Saveza uključi u ove aktivnosti, a posebno u segmentu kulturnog dijela programa za koji smatra da je potrebno poduzeti dodatne pripreme.

Zatim daje riječ g-đi Kovačević koja obavještava Predsjedništvo da će u okviru sajma biti potpisan bilateralni sporazum o saradnji između Saveza općina i gradova Federacije BiH i Nacionalne asocijacije talijanskih općina (ANCI).

Ističe da je potrebno da Predsjedništvo Skupštine Saveza imenuje predstavnika za člana Radne grupe za održivi turizam, koja je jedna od radnih grupa NALAS – a (Mreža asocijacija lokalnih vlasti Jugoistočne Evrope) i koja će održati radionicu u okviru sajma.

G-din Ajkunić predlaže g-đicu Dženanu Abdalajbegović, šefa Stručne službe Općinskog vijeća i općinskog načelnika u Općini Bugojno za člana Radne grupe za održivi turizam.

Predsjedništvo usvaja ovaj prijedlog.

G-đa Kovačević također ističe da će na sajmu biti potpisan i „Sporazum načelnika“ koji podrazumijeva ostvarenje ciljeva Europske unije do 2020. godine u reduciranju emisije CO₂ kroz sprovođenje aktivnosti iz „Sporazuma načelnika“, a koje se odnose na izradu i provedbu Akcionog plana za održivi energetske razvoj grada, podnošenje izvještaja o realizaciji Akcionog plana, organiziranje Energetskog dana u suradnji sa Europskom komisijom i drugim učesnicima, informisanje građana o mogućnostima i prednostima korištenja energije na efikasan način, redovnog informisanja lokalnih medija o razvoju Akcionog plana., prisustvovanje i doprinos na godišnjoj EU Konferenciji načelnika na temu „Sustainable Energy Europe“.

Navodi da je do sada „Sporazumu načelnika“ pristupilo 2181 lokalnih vlasti širom Evrope, od čega pet iz Bosne i Hercegovine (Banja Luka, Bijeljina, Prijedor, Sarajevo i Tuzla), te ističe da Savez općina i gradova Federacije BiH trenutno vrši pregovore sa Evropskom komisijom o potpisivanju sporazuma o ulozi Saveza u strukturi podrške „Sporazumu načelnika“ s ciljem povećanja uticaja sporazuma kroz aktivnosti njegove promocije, povezivanjem sa svojim članicama, te omogućavanjem razmjene iskustava. Pored toga, ovaj vid podrške „Sporazumu načelnika“ bi podrazumijevao i održavanje bliskog kontakta sa Evropskom komisijom, kako bi se osigurala što bolja implementacija sporazuma.

G-din Živanović pozdravlja prisutne, zahvaljuje općinama u sastavu Grada Sarajeva sa kojima je Grad potpisao sporazum o zajedničkom predstavljanju na sajmu, te preporučuje tu praksu kao dobru i za druge općine. Ističe da će press služba Grada popratiti ovaj događaj, te da će Gradska uprava organizirati VIP večeru za predstavnike delegacija sajma i da će učestvovati u organiziranju kulturnih sadržaja.

G-din Živanović smatra da je „NEXPO 2011“ dobra prilika za jačanje međunarodnog ugleda Saveza.

G-din Smajlović pita ko finansira održavanje sajma.

G-đa Travljanin pojašnjava da će NALAS zakupiti salu, odnosno prostor za održavanje sajma, te pokriti ostale troškove, a da Savez nije uložio nikakva sredstva za to osim rada uposlenika. Također, naglašava da će Savez dobiti 15% sredstava od dobiti ukoliko je bude, a nakon što se pokriju svi troškovi, te da će uz sajam NALAS održati i sjednicu skupštine.

G-din Smajlović predlaže da se Savez usaglasi o tome šta je potrebno za kulturni program.

G-din Živanović napominje da je potrebno utvrditi šta tačno trebamo, jer ne bi bilo interesantno da se sve općine uključe u organizaciju kulturnog programa sa nekim kulturno umjetničkim društvom.

G-din Čenanović se uključuje u raspravu i ističe da svi trebaju biti oprezni i iz svoje oblasti doprinijeti koliko mogu, te voditi računa da ne bi došlo do nekih improvizacija, jer je Savez domaćin ovog skupa. Ističe da je Općina Ilidža na dispoziciji po pitanju pripreme kulturnog dijela programa, te da imaju orkestar i hor. Navodi da je ovaj događaj promocija ne samo Saveza nego i cijele Bosne i Hercegovine.

G-din Smajlović ističe da su svi spremni pomoći.

G-din Jerkić također nudi pomoć.

Predsjedništvo prima k znanju ovu informaciju.

3. Izvještaj sa sjednica Komisije za ustavna i zakonodavna pitanja i Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša na inicijative:

a) Općina Stari Grad: Prijedlog izmjena i dopuna Zakona o preuzimanju, izmjenama i dopunama Zakona o zakupu poslovnih zgrada i prostorija Kantona Sarajevo

G-din Smajlović otvara raspravu.

G-din Hadžibajrić daje uvodne napomene o ovom pitanju. Ističe da Općina Stari Grad predlaže izmjenu tri člana Zakona. Zatim daje riječ g-dinu Kamberu i predstavlja g-đu Suadu Hadžić koja je pravobranilac Općine Stari Grad Sarajevo.

Predstavnici Općine Stari Grad pojašnjavaju da primjenjujući postojeći Zakon, odnosno odredbe koje se odnose na otkaz ugovora Općina nije u mogućnosti da vrši efikasno upravljanje prostorima i redovnu naplatu zakupnina. Općina, u skladu sa Zakonom, pokreće sudske postupke, međutim isti se vode godinama bez izvjesnosti naplate duga zakupnina i vraćanja poslovnih prostora Općini na raspolaganje.

Istaknuto je da zakupci u velikoj mjeri koriste postojeći Zakon u svoju korist, ne plaćaju zakupnine, a koriste poslovne prostorije i ostvaruju dobit, te na taj način stvaraju nova zaduženja sa neizvjesnim ishodom njihove naplate, zbog čega se ne može efikasno planirati, a niti upravljati budžetom. S tim u vezi se predlaže izmjena da ukoliko zakupac ne izvršava ugovorom preuzetu obavezu plaćanja zakupnine za korištenje prostora i ako se vodi sudski postupak za naplatu duga od dvanaest i više nenaplaćenih zakupnina, zakupodavac ima pravo otkazati ugovor o zakupu poslovnog prostora, odnosno i prije sudske presude izvršiti iseljenje zakupca iz svog poslovnog prostora.

Predložena izmjena treba da omogući Općini da, u slučaju vođenja sudskog postupka za naplatu duga, gdje je neizvjesna naplata istog, ima mogućnost da vrati poslovni prostor da se dug ne bi dalje povećavao i da ima mogućnost da izda prostor u zakup, te da naplaćuje zakupninu za korištenje istog.

G-din Kamber ističe da Općina Stari Grad ima veoma mnogo poslovnih prostora koje izdaje pod zakup i da 40% prihoda ostvaruju po tom osnovu. Navodi da srž predstavlja član 29. stav 1. Zakona i da sudski postupak predugo traje.

G-đa Hadžić konstatuje da postoje veliki nedostaci preuzetog zakona. Navodi da bi predloženim izmjenama riješili problem i predlaže i drugim načelnicima koji imaju isti problem da postupe na ovaj način obzirom da se Zakon preuzimao po kantonima.

G-din Čenanović izražava potpuno slaganje sa ovom inicijativom.

G-din Alilović ističe da podržava inicijativu, jer Općina Stari Grad Sarajevo ima veliki broj poslovnih prostora i da joj izdavanje istih u zakup predstavlja značajan izvor prihoda.

G-din Živanović predlaže da se, ukoliko Predsjedništvo Skupštine Saveza podrži prijedlog za izmjene ovog zakona, inicijativa pošalje osim Skupštini Kantona Sarajevo i predsjednicima kolegija.

G-din Hajder pita da li su sve članice Saveza sa područja Kantona Sarajevo saglasne sa predloženim izmjenama Zakona.

G-din Kamber odgovara da su Općina Ilidža i Općina Centar te koje imaju najviše poslovnih prostora i da su one saglasne.

G-din Smajlović navodi da bi Općina Stari Grad, Općina Ilidža i Općina Centar trebale zajednički pokrenuti ovu inicijativu.

Nakon rasprave usvojeni su slijedeći Zaključci:

- **Predsjedništvo Skupštine Saveza usvaja inicijativu Općine Stari Grad Sarajevo za izmjene i dopune Zakona o preuzimanju, izmjenama i dopunama Zakona o zakupu poslovnih zgrada i prostorija Kantona Sarajevo;**
- **Zadužuje se Komsija za ustavna i zakonodavna pitanja da za slijedeću sjednicu Predsjedništva Skupštine Saveza, po istom principu, pripremi izmjene federalnog zakona.**

b) Općina Ilidža: Prijedlog izmjena i dopuna Zakona o vodama Federacije BiH

c) Općina Ilidža - Prijedlog izmjena i dopuna Zakona o zaštiti i spašavanju ljudi i materijalnih dobara od prirodnih i drugih nesreća

G-din Smajlović otvara raspravu, te nakon što je konstatovano da nema prijavljenih za diskusiju, daje navedene inicijative Općine Ilidža na glasanje.

Jednoglasno su usvojene inicijativa za izmjene i dopune Zakona o vodama Federacije BiH i inicijativa za izmjene i dopune Zakona o zaštiti i spašavanju ljudi i materijalnih dobara od prirodnih i drugih nesreća.

4. Općina Bosanski Petrovac: izjašnjenje Saveza o problemu privatizacije „Agrokomerc“

G-din Hajder upoznaje članove Predsjedništva o značaju samog „Agrokomerc“- a te o problemima u vezi sa njegovom privatizacijom. S tim u vezi predlaže Predsjedništvu Skupštine Saveza da podrži nastojanje općina (članica Saveza) sa područja Unsko-sanskog kantona u smislu iznalaženja što kvalitetnijeg rješenja za funkcionisanje Agrokomerca koji je od vitalnog značaja za građane Unsko-sanskog kantona.

Predsjedništvo jednoglasno usvaja ovaj prijedlog.

5. Informacije:

a) Prednacrt zakona o vinu

G-din Jerkić pozdravlja prisutne te ističe da je Općina Čitluk na održanoj javnoj raspravi dala primjedbe na ovaj zakon. Navodi da problem predstavlja nepostojanje podzakonskih akata, a općine su dužne voditi registre. Smatra da je bolje rješenje vratiti se na obrasce propisane zakonom iz 1989. godine i da je u tom smislu potrebno uputiti dopis federalnom ministru poljoprivrede, vodoprivrede i šumarstva. Predlaže da Općina Čitluk pripremi dopis, te da se isti ispred Saveza uputi nadležnom ministarstvu.

Predsjedništvo jednoglasno usvaja Zaključak da Općina Čitluk pripremi dopis koji će se ispred Saveza uputiti Federalnom ministarstvu poljoprivrede, vodoprivrede i šumarstva.

b) sa sastanka Projektnog odbora MTS-a, i aktivnosti na izboru regionalnih lokaliteta za izvođenje obuke za uposlenike i izabrane dužnosnike

G-đa Fišek informiše članove Predsjedništva o dosadašnjim aktivnostima vezanim za izbor regionalnih lokaliteta za izvođenje obuke za uposlenike i izabrane zvaničnike u jedinicama lokalne samouprave. Napominje da su predstavnici UNDP-a zajedno sa zaposlenicima Stručne službe Saveza posjetili šest općina čiji su ponuđeni lokaliteti ušli u uži izbor na osnovu ispunjavanja traženih uslova.

Navodi da su to općine: Tuzla, Ilidža, Fojnica, Vitez, Tomislavgrad i Bosanski Petrovac. Ističe da je uvidom u ponuđene prostore ustanovljeno da, kada su u pitanju općine Fojnica i Vitez, treba odlučiti koja od njih će biti sjedište regionalnog lokaliteta za izvođenje obuke s tim što ponuđeni prostor u Općini Vitez zahtijeva veću adaptaciju ali istovremeno predstavlja geografski bolju lokaciju s obzirom na udaljenost od okolnih općina. Dalje navodi da je i Grad Mostar spreman ponuditi prostor za sjedište regionalnog lokaliteta, međutim do sjednice Predsjedništva, Stručnoj službi nisu dostavljene slike, tlocrt ni ostale informacije o prostoru.

G-đa Travljanin konstatuje da je Općina Vitez veoma aktivna u radu Saveza i Predsjedništva Skupštine Saveza.

Predsjedništvo Skupštine Saveza jednoglasno zaključuje da će općine Tuzla, Ilidža, Tomislavgrad, Vitez i Bosanski Petrovac biti sjedišta regionalnih lokaliteta za izvođenje obuke za uposlenike i izabrane zvaničnike u jedinicama lokalne samouprave.

- c) sa sastanka Projektnog odbora ILDP-a „Projekat integriranog lokalnog razvoja“

G-đa Laković – Hošo je izvršila prezentaciju o ključnim rezultatima „Projekta integriranog lokalnog razvoja (ILDP)“.

G-din Ajkunić se uključuje u diskusiju sa sugestijom da se model prezentirane Strategije prenese i na ostale općine.

G-din Živanović ističe da je Grad Sarajevo izradio koncept Strategije razvoja i usvojio program na osnovu MiPRO Strategije. Dalje, navodi da je Grad Sarajevo održavao kontakte sa ILDP projektom iako nije bio uključen u sam projekat te da je njihova Strategija specifična zbog kompleksnosti situacije Grada Sarajeva.

G-din Živanović predlaže da se u okviru Saveza razvijaju kapaciteti kako bi se praksa izrade strategija na MiPRO principu prenijela na druge lokalne zajednice te da ova usluga čini sastavni dio portfolio usluga Saveza.

G-din Smajlović se zahvaljuje ILDP-u te predlaže lobiranje za primjenu pomenute Strategije putem radionica.

Prezentacija se nalazi u prilogu ovog zapisnika.

Informacija je primljena k znanju.

- d) aktivnosti Saveza zasnovane na osnovu potpisanog Memoranduma o saradnji Sarajevske škole za nauku i tehnologiju (organiziranje radionica o stanju upotrebe informacionih tehnologija i implementacije elektronske uprave u jedinicama lokalne samouprave FBiH)

G-đa Abdurahmanović daje uvodne riječi o SSST-u te ističe Instituciju SSST kao partnera u primjeni informacionih tehnologija koje nudi Evropska unija.

G-din Podić je izvršio prezentaciju na temu organiziranja radionica o stanju upotrebe informacionih tehnologija i implementacije elektronske uprave u jedinicama lokalne samouprave u Federaciji BiH.

G-din Živanović zahvaljuje na prezentaciji i navodi da podržava ovaj projekat, te predlaže da se prema međunarodnim organizacijama i ministarstvima uputi ovakav projekat.

Prezentacija se nalazi u prilogu ovog zapisnika.

Predsjedništvo je jednoglasno usvojilo Zaključak kojim se podržava organiziranje pomenutih radionica.

6. Prezentacije:

- a) „UNDP za sigurnije zajednice u BiH“

G-din Porobić je izvršio prezentaciju na temu „UNDP za sigurnije zajednice u BiH“.

Prezentacija se nalazi u prilogu ovog zapisnika.

Informacija je primljena k znanju.

- b) "Prezentacija Operativnog priručnika za rad policije u zajednici" – Nacionalni tim za implementaciju strategije za rad policije u zajednici sa Centrom za sigurnosne studije

G-đica Mihajlović ističe da je priručnik izrađen u saradnji sa policijskim strukturama i namijenjen je prvenstveno policiji ali i drugim zainteresiranim subjektima.

G-din Hajder pita na koji način lokalne zajednice mogu aplicirati da budu izabrane kao projektni partneri.

G-đica Mihajlović pojašnjava da je moguće zajednički aplicirati na donatorske fondove.

Informacija je primljena k znanju.

- c) OSCE „Prezentacija priručnika o razumijevanju krivičnih djela počinjenih iz mržnje“

G-đa Valinas je izvršila prezentaciju priručnika pod nazivom „Razumijevanje krivičnih djela počinjenih iz mržnje“.

G-din Alilović naglašava da bi bilo dobro da sve općine dobiju ovaj priručnik.

Informacija je primljena k znanju.

- d) Projekat „LED sijalica“ - Bekto precisa, Goražde

G-đa Muhić zajedno sa g-dinom Kleinemeier i g-dinom Goldhammer predstavila je članovima Predsjedništva „LED sijalicu“ naglasivši da je riječ o jedinstvenoj vrsti sijalice. Pojasnila je da je u pitanju ulična rasvjeta, da postoje tri klase modula za sijalice, te da se promjena modula vrši mehanički. G-đa Muhić je u daljnjem izlaganju navela da je rok trajanja „LED sijalice“ petnaest do dvadeset godina i da je cijena jedne sijalice 1300,00 KM. Navodi da se upotrebom ovih sijalica ostvaruje ušteda energije oko 66%, da je osvijetljenost veća za četrnaest puta te da su ove sijalice otpornije na udare u odnosu na sve druge koje se nude na tržištu. Ističe da za to posjeduju certifikate, te dodaje da kad se „LED sijalica“ jednom postavi nije je potrebno čistiti niti mijenjati.

G-din Čenanović postavlja pitanje kolika je razlika u cijeni između „LED sijalica“ i svjetiljki koje su trenutno u upotrebi.

G-đa Muhić odgovara da je prema njoj poznatim informacijama, cijena sijalica koje su trenutno u upotrebi oko 800,00 KM.

G-din Smajlović zahvaljuje na izlaganju.

Informacija je primljena k znanju.

7. Tekuća pitanja

G-đa Kovačević izvještava o aktivnostima Saveza iz oblasti finansija te navodi da je Savez po Zaključku sa posljednje sjednice Predsjedništva Skupštine Saveza prema Federalnom ministarstvu finansija uputio Inicijativu za izuzimanje jedinica lokalne samouprave iz Zakona o fiskalnim sistemima u Federaciji BiH, te ističe da smo od strane Federalnog ministarstva finansija neformalno obaviješteni da je Inicijativa Saveza osnovana. U daljnjem izlaganju g-đa Kovačević najavljuje niz radionica o uvođenju trezorskog poslovanja u jedinicama lokalne samouprave, te obaviještava Predsjedništvo o održanoj radionici na temu

„Fiskalna politika i programsko budžetiranje u BiH“ održanoj u Vogošći 19.02.2011. godine. Na kraju navodi da je u fazi izrada baze podataka općinskih finansija.

G-đa Turkić obavještava članove Predsjedništva da je g-din Alilović u ime općina sa područja Srednjobosanskog kantona (izuzev općina: Dobretići, Kiseljak i Kreševo, op. zap.), pred današnju sjednicu dostavio Prijedlog za pokretanje inicijative za izmjene Zakona o porezu na dohodak te naglašava da je ova inicijativa ranije dostavljena Savezu i trebala bi je razmotriti nadležna skupštinska komisija Saveza.

G-din Alilović navodi da je u pitanju samo izmjena člana 23. Zakona o porezu na dohodak. G-din Čenanović ističe da Predsjedništvo može usvojiti ovu inicijativu po hitnom postupku.

Predsjedništvo usvaja Prijedlog za pokretanje inicijative za izmjene Zakona o porezu na dohodak.

G-din Hajder navodi da Savez treba zauzeti stav po pitanju Zakona o šumama.

G-đa Turkić podsjeća da je Vlada Federacije Bosne i Hercegovine donijela Uredba o šumama, povodom koje je Općina Konjic Ustavnom sudu Federacije Bosne i Hercegovine uputila zahtjev za zaštitu prava na lokalnu samoupravu te da je javna rasprava po tom pitanju zakazana za 15.03.2011. godine. Pored toga, ističe da je Ustavni sud Federacije BiH, po zahtjevu dopremijera Federacije BiH g-dina Gavriela Grahovca, utvrdio da Vlada Federacije BiH nije imala ni zakonski ni ustavni osnov za donošenje Uredbe o šumama.

G-din Hajder informiše Predsjedništvo da je Kolegij općinskih načelnika sa područja Unsko-sanskog kantona razmatrao pitanje Zakona o zaštiti i dobrobiti životinja te je tom prilikom predloženo da Savez pokrene inicijativu za ispitivanje ustavnosti navedenog zakona.

Predsjedništvo usvaja Zaključak da nadležna komisija Saveza razmotri ovo pitanje i ponudi rješenje. Jedan od mogućih modaliteta bi mogao biti da se traži obustava primjene Zakona o zaštiti i dobrobiti životinja dok se ne iznađu finansijska sredstva za njegovo provođenje.

G-din Hajder navodi da je u skladu sa odredbama Statuta Saveza općina i gradova Federacije BiH i u skladu sa odredbama Poslovnika o radu Predsjedništva Skupštine Saveza općina i gradova Federacije BiH, izabrani član Predsjedništva Skupštine Saveza dužan predstavljati usaglašene stavove načelnika općina i gradova sa područja svog kantona.

Predsjedništvo usvaja Zaključak da se ubuduće u okviru poziva za sjednicu Predsjedništva navode pomenute odredbe Statuta i Poslovnika.

G-din Jerkić predlaže da se na Dnevni red za narednu sjednicu Predsjedništva Skupštine Saveza ponovno uvrsti Zakon o turističkim zajednicama i promicanju turizma u Federaciji BiH.

Predsjedništvo usvaja ovaj prijedlog.

Nakon što je konstatovao da su sve tačke Dnevnog reda iscrpljene, g-din Smajlović zaključuje Trinaestu sjednicu Predsjedništva Skupštine Saveza u 14 sati.

Predsjednik Predsjedništva Skupštine
Husejin Smajlović, s.r.